



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

100. Maximilianus Bergius, Cameracensis Episcopus, in Campania Brabantiae Gelense Canonicorum collegium an. 1562. instituit; petente Henrico Merodio, VVesterloae, Petersemij, Lefdaliae, Duffeliae ac ...

urn:nbn:de:hbz:466:1-10903

nensis, Bergizomensis, Steinbergensis & Geldoniensis, item Limburgensis, Falcoburgensis, Dalhemiensis, Rodensis, Wassenbergensis, Gangeltenensis, Millensis, Vuchtenensis, Kerpensis, Lomefhemensis & Spremontensis, salutem in Domino.

Notum sit omnibus, nos in bonum & commodum nostri Ducis
IO ANNIS, qui est primogenitus **ANTONII** quondam Ducis nostri,
 piæ memorie, vñanimiter inter nos conclusisse, quod futuris tem-
 poribus perpetuò manebimus vñiti & indiuisi; quodque pro de-
 fensione Ducis nostri & patriæ omnes & singuli viam & bona no-
 stra impendemus... In quorum fidem sigilla nostra his litteris ap-
I415. pendit iussimus. Datum anno millesimo quadringentesimo decimo
 quinto, die 4. Nouembris.

N O T A T I O.

BRABANTIA & Limburgi, aliarumque Transmosanarum pro-
 vinciarum Ordines, ab insidijs hostilibus sibi metuentes, an. 1415.
 itedus istud inter se inierunt, cum **ANTONIUS** Burgundus, Brabantia & Limburgi Dux, Philippi Audacis filius, pro Francis contra
 Anglos pugnans, in prælio Blangiaciensi cecidisset; duobus filijs mi-
 norenibus post se relictis, **IOANNE** IV. Louaniensis Academiz
 conditore, & **PHILIPPO**. Quibus sine sobole defunctis, fratreue-
 lis **PHILIPPVS BONVS**, Burgundiæ Dux Flandriæque Comes, an.
 1430. successit.

C A P V T C.

*Maximilianus Bergius, Cameracensis Episcopus, in Campania Bra-
 bantia & Gelense Canonicorum collegium an. 1562. instituit;
 petente Henrico Merodio, VVesterloæ, Petersemij,
 Lefdalia, Duffelia ac Gelæ domino.*

MAXIMILIANS à Bergis, Dei & Apostolicæ Sedis gratia Epi-
 scopus & Dux Cameracensis, sacri Imperij Princeps, Comes
 Cameraceſij, vniuersis & singulis præsentes inspecturis salutem
 in Domino.

Inter varias sollicitudines, quibus vndique noster circumseptus
 est

est animus, illa præsertim nostro insidet cordi, ut ea quæ pro diuini cultus augmentatione, veterisque nostræ religionis Catholicae conservazione prouidè constituta sunt, nedum nostris sint firma temporibus, sed & posteris quoque illibata persistant, pro nostri officij pastoralis debito solerter intendamus.

Sanè nuper dilectus nobis in Christo, nobilis & generosus dominus, HENRICVS à Merode, Baro de Merode, Petersem, Peruvves, Dussele & Lefdale, dominus de Westerlo, Gele &c. sua nobis supplicatione exposuit;

Qualiter alias bona memoria ROBERTVS de Croy, eadem gratia Episcopus & immediatus prædecessor noster, dum vixit, ad humilem & denotam supplicationem nobilium & generosarum perlongarum, MARGARETA de Melun, relicta quondam domini Ioannis à Merode, etiam Baronis de Merode, ac domini IOANNIS à Merode, filij ipsorum vnici, eiusque conthoralis dominæ ANNÆ de Gi-stella, septem Horas canonicas, in facello beatæ DIMPNÆ virginis & martyris in libertate GELENSI, per nouem presbyteros, ac Rectorem scholarium, & quattuor chorales decantandas, nec non Vicarios, qui per eosdem nouem presbyteros, & Rectorem scholarium, quorum unus Director nuncupatur, auctoritate ordinaria crexit & instituit;

Proque illarum erectione, fundatione & dotatione, personatum ecclesie Diuorum Amandi & Dimpnæ, cuius collationem seu presentationem dictus quondam dominus Ioannes à Merode, occasione dominij sui temporalis dictæ libertatis, ad se spectare prætentebat, perpetuò suppressit & extinxit;

Illijsque, necnon certorum aliorum beneficiorum fructus, reditus & prouentus, multaque alia bona temporalia, per præfatos supplicantes & fundatores ad effectum prædictum donata & relicta, eidem facello perpetuò applicauit & incorporauit, confirmatione Apostolica desuper subsecuta, ac iure patronatus laicalis dicto domino temporali loci, pro tempore existenti, tam Apostolica quam ordinaria auctoritatibus perpetuò reseruato, prout hæc & alia in litteris desuper confessis latius constare dignoscuntur.

Verum cum extra præfataam erectionem dictarū Vicariarum, fructus non parum aucti sint, ipsaque libertas Gelen sis locus sit admodum populosus, & facellum prædictum valde celebre, & ad quod

H h h

quam

quām plurimi, ab immundis & malignis spiritibus obsessi, confluere, atque inibi per Dei gratiam liberari solent, si præfatum scellum in collegiatam erigeretur ecclesiam, ex hoc profecto diuinus cultus & populi deuotio non parum augeri operarentur, dictarumque Horarum canonicarum institutio magis ac magis stabilitur & consolidaretur.

Ac proinde etiam ipse dominus HENRICVS, pro augmento fundationis dictarum Horarum canonicarum, & vt Decanus & Canonici eiusdem ecclesiæ collegiatæ, nouiter erigendæ, iuxta status sui exigentiam & honestatem, commodiùs sese intertenere, ac diuinis officijs vacare possent, & redditum annum & hereditarium centum Florenorum Rhenensium communium, quolibet ad vijinti stuferos monetæ Brabantia æstimato, dictæ futuræ ecclesiæ collegiatæ, seu Decano & Canonicis eiusdem ecclesiæ donare paratus esset, & ex nunc ad effectum nouæ erectionis eiusmodi, & non aliter, sub certis modis & conditionibus, in instrumento publico desuper confecto latius expressis, donatione inter viuos irreuocabiliter donauit.

Quapropter idem dominus Henricus nobis humiliter supplauit, vt antedictum scellum in ecclesiam collegiatam, ac Vicarios in Decanum & Canonicos, iure patronatus, ac alias sibi & successoribus suis, iuxta modum & formam dictæ primæ fundationis, erectionis & institutionis, similiter reseruato, creare & instituere dignaremur.

Nos itaque viso ac diligenter inspecto tenore dicti instrumenti donationis, & considerantes præterea fructus, redditus & prouentus dictarum Vicariarum, citra illarum primævam fundationem & erectionem, non parum auctos esse, maturis super his deliberatione & consilio præhabitibus, ad præfati nobilis & generosi domini Henrici à Merode Baronis, domini libertatis Gelenſis, humilem & deuotam supplicationem & instantiam, in honorem Dei omnipotentis, beatissimæ Mariæ virginis, ac S. Dimpnæ virginis & martyris, scellum prædictum in COLLEGIATAM ecclesiam, ac Vicariias in Canonicatus & præbendas, auctoritate nostra ordinaria, erigendum duximus & erigimus; dictosque Directorem & Vicarios in Decanum & Canonicos, qui simul vnum corpus seu Capitulum facient, creamus & instituimus per præsentes, ipsosque Decani.

&

& Canonicorum titulis, insignijs, honoribus & præminentijs decoramus;

Iure patronatus, & quolibet alio iure dicto domino temporali loci, eiusque successoribus, iuxta normam & formam in antecedente primæ fundationis & erectionis litteris contentam, quo ad collationem, institutionem & destitutionem illorum, ac alias perpetuò reseruato; prout & nos quoque auctoritate nostra prædicta eidem domino loci, pro tempore existenti, perpetuò reseruamus:

Sic tamen, vt si ex aliorum quoque Christi fidelium deuotione seu liberalitate, contigerit fructus, redditus & prouentus dicti collegij tantum augeri, quod ad duodecim Canonicatum & præbendarum numerum sese extendere possent, dictum collegium eò usque deberet & posset augmentari:

Et si quis Canonicorum, presbyterorum vel aliorum Christi fidelium, bona sua vel redditus valoris centum florenorum Rhenensium communium, ad præbendam vnam in dicta ecclesia fundandam contulerit, quod is possit vnum notum & idoneum sacerdotem vel clericum ad Canonicatum & præbendam nobis seu successori nostro, pro tempore existenti, præsentare: quem quidem per nos admissum ipse Decanus & Capitulum recipere debebunt (cum bonis ad illum, vt præmittitur, collatis) in Canonicum & confratrem.

Statuentes & ordinantes, quod prefatus Decanus pro tempore curam habebit animarum dictorum Canonicorum, suorum confratrum, ac Rectoris Scholarium, Custodis, & familiarum suorum domesticorum, aliorumque dictæ ecclesiæ ministrorum, actu servientium, illisque ac peregrinis & ægrotis, eò confluentibus & degentibus, quoties illa petierint, per se vel Vicarium suum, ecclesiastica ministrabit Sacra menta.....

Item similiter statuimus & ordinamus, quod prefatus Decanus & Canonici singulis annis tenebuntur celebrare duo anniuaeria: quorum quidem alterum singulis annis eo die, quo ipsum dominum Henricum ab hoc saeculo migrare continget, & alterum in die obitus quondam dominae FRANCISCA de Brederode, sue conthorialis, die 7. Martij celebrabunt.

In quorum omnium fidem & testimonium præsentes litteras manu nostra signatas conscribi, & per fidelem nobis dilectum

H h h 2

Consilia-

1562. Consiliarium & Secretarium nostrum subscribi, nostrique sigilli munimine iussimus roborari. Datum & actum Bruxellæ, dictæ nostræ diœcesis, anno à nativitate Domini millesimo quingentesimo sexagesimo secundo, Indictione quinta, pontificatus sanctissimi in Christo patris & domini nostri, domini Pij diuina prouidentia Papæ quarti anno tertio.

N O T A T I O N E S.

In eadem Campania Brabantia HENRICVS à Bauaria, electus Episcopus Leodicensis, ecclesiam EINDOVENSEM in collegiatam IX. Canonicorum, an. 1399. erexit; petente Gulielmo à Milenberch, eiusdem opidi, itemque Septem Fontium & Cranendonci domino, & dorem augente Ioanna Brabantia Ducissa.

HOC USTRATI item anno 1531. CLEMENS VII. Papa in parochiali S. Catharinæ templo Canonicorum XII. collegium instituit; Antonio Lalaino, primo Comite Hochstratano, eiusque consorte Isabella Culenburgica, postulantibus ac dotantibus. Ex his præbendarum quattuor collatio ad Decanum & Canonicos Antuerpienses pertinet, reliquarum vero ad Comitem Hochstratanum.

IOANNIS à Merode.) Ad tollendam confusionem, breuiter Merodiorum (ex quo Westerloam cum appendicibus possederunt) stemma, suprà pag. 226. propositum, hic repetam, & pro parte emendabo.

1. RICHARDVS Merodij & Frentzij in agro Iuliacensi dominus, Comitatum de Oelen, Westerloam, & alia pagi Riensis seu Campania Brabantia prædia, à Wesemalijs Baronibus titulo emphiteutico dudum possessa, primus ex sua familia in emphiteutis ab ecclesia Ultraiectina accepit: quæ etiamnum Philippus Meroditis, Marchio Westerloæ, possidet. Idem Richardus ex Beatrice, Petersemij, Lefdalie, Hiluaribeca & Oirschot herede, filios sustulit Ioannem, Richardum Houfalisica seu Treslonga & Frentzij stirpium conditorem, & Gulielmum: à quorum postremo Warouxij siue Comites de Osoigne in diœcesi Leodicensi, Barones de Duffel, domini de Iehay, S. Peetershouck, Rummen & alij genus suum trahunt.

2. IOANNES, Richardi primogenitus, ex Aleide Duffelij & Peuvjeti

Iuvveti herede, Ioannem, & Richardum Petersemij dominum,
Margaritæ Hornanæ maritum, procreauit.

IOANNES II. Merodius, Ioannis & Aleidæ filius, Westerloæ &
Gelæ dominus, cum vxore sua Margarita Melunia, ibidem in
templo extra chorum conditus iacet.

IOANNES III. Ioannis & Margaritæ Melunæ filius unicus,
cum dicta matre sua, & vxore Anna Gistellia, domini de Dutzele
apud Flandros filia, Gelense Capellanorum fodalitum, per Ro-
bertum Croyum Cameracensem Episcopum, an. 1532. instituen-
dum curauit, & obiit non relictæ sobole.

Ioanni itaque sine liberis mortuo successit HENRICVS Me-
rodius, Richardi & Margaritæ Hornanæ, paulò ante nomina-
torum filius, qui Gelense Capellanorum fodalitum in Cano-
nicorum IX. collegium, per Maximilianum Bergium, Episco-
pum Cameracensem, anno 1562. vertendum curauit. Vxor
ipsi fuit Francisca Brederodia (cuius suprà in diplomate fit men-
tio) & ex ea filij duo, IOANNES IV. & Walraus Baro Lefdalæ,
ac filiæ totidem, ut suprà lib. 1. cap. 97. pag. 226. diximus. Hen-
rici & Francisca tumulus magnificus visitur Gelæ in choro Ca-
nonicorum: quorum posteritatem vide suprà loco iam citato.

F I N I S.

IN-